

Saksprotokoll i hovudutval for næring, naturressursar og innovasjon - 02.12.2019

I innstillinga punkt. 3 er det ved ein inkurie utelate ordet «vert» føre «behalden». Punktet vert retta opp.

Torbjørn Vereide (A) sette fram forslag om slik endring:

Endringsframlegg til punkt 1. - 12.

«Erstatter «Fylkeskommunane» med «Vestland Fylkeskommune»»

Avrøysting

Prosjektlear si innstilling med Vereide sitt forslag vart samrøystes vedteke som innstilling til fylkesutvalet.

Innstilling til fylkesutvalet

1. Vestland fylkeskommune stør ein heilskapleg gjennomgang av verkemiddelapparatet.
2. Vestland fylkeskommune legg til grunn at endringane vil støtte opp under måla med regionreforma og stø fylkeskommunane si regionale samfunnsutviklarrolle.
3. Vestland fylkeskommune går inn for at fylkeskommunane sin eigarandel i Innovasjon Norge vert behalden og styrka.
4. Vestland fylkeskommune gjer framlegg om ein alternativ modell, basert på dagens arbeidsmåtar. (Sjå kapitel 5 i saka.)
5. Vestland fylkeskommune sitt høve til å påverke utforminga av nasjonale verkemiddel må styrkast gjennom utforming av nasjonale programstyre, der fylka vert gjevne reell påverknad.
6. Vestland fylkeskommune må få høve til å disponere næringsretta økonomiske verkemiddel frå staten til bruk i aktivitetar som stør fylkeskommunane sine oppgåver relatert til strategisk retning, mobilisering og koordinering.
7. Vestland fylkeskommune stør at Siva vert lagt inn i Innovasjon Norge.
8. Vestland fylkeskommune stør at den nasjonale reiselivsprofileringa vert utgreidd med mål om å skilje denne ut i eiga eining.
9. Vestland fylkeskommune meiner mandatet i områdegjennomgangen er for snevert og ber om at også andre ordningar og virkemiddel vert vurdert, f.eks. ordningar under Enova og kompetansevirkemiddel.
10. Vestland fylkeskommune finn det naturleg å ta ei rolle i utviklinga av nye kunnskaps- og innovasjonssenter gjennom å overta deler av egedomsdivisjonen i Siva.
11. Vestland fylkeskommune vil også understreke betydninga kommunane har for gründarar og næringslivet elles.
12. Vestland fylkeskommune forventer å bli direkte involvert i den vidare prosessen.